

神身相一不死長生也

第二地皇內記經文文者門也內學志明正而無憂舒以廣濟緣門至極

第三人皇內文明人俯察地理法地則天定內安外者普度無窮同歸玄門由學所得也

右畢校要戒

太上洞神三皇儀

洞神三皇七十二君齋方懺儀

主

廣成先生杜元友刪定

東方九天帝君

伏聞一氣凝空九天垂象啓四時而東風出震播五常而仁化行春啓運三光權輿萬有

今皇帝順天行化用道臣時德合陽和明齊景曜謹依科式齋香火燈燭供養之具歸命

東方九天帝君威星木德蒼龍七宿中外諸星官願以是功德降東上九天始陽碧城九

氣垂霞來輔

皇帝身於春季三月之中甲乙寅卯辰位有赤星暗曜地網天羅本命行年元辰衝破一

切災厄咸乞蕩除碧簡題名青宮益算二儀交泰七曜貞明風雨以時脰涼應序家隆國

泰速肅通安內外士民同霑善慶得道之後與天帝合真

南方九天帝君

伏聞空洞凝華丹天演化運大德而炎精普

照播文明而禮教遐宣高列九重下臨南極今皇帝稟慶自天臣時降世德兼神武八方

迴向化之心道契淳和萬國賴昭蘇之澤謹依科式齋香火燈燭供養之具歸命

南方九天帝君威星火德朱鳥七宿中外諸星官願以是功德願降南上九天朱光丹臺三氣懸光來輔

皇帝身於夏季三月之中丙丁巳午未位有地網天羅赤星暗曜惡宿衝破本命行年一

切災衰咸蒙釋散南宮注壽丹簡題名永垂富國之功更耀長生之籍宮闈隆盛遐邇宴

安慶襲山河福霑軍庶得道之後與天帝合真

西方九天帝君

伏聞清濁分形陰陽定位秋至而九天氣肅金行而四海風清義定五常功成萬物

今皇帝應運挺生臣時播德化洽而寰瀛向化功高而天地同功每仰玄科以安邦國謹

依科式齋香火燈燭供養之具歸命西方九天帝君太白金精白虎七宿中外諸

星官願以是功德願降西上九天素華皓闕七氣流光來輔

皇帝身於秋季三月之中庚申酉戌位有地網天羅赤星暗曜惡宿衝破八卦九宮一切災衰咸蒙釋散西方列聖題名於七寶金門高上衆真延壽於三清玉籍八風調暢五穀熟成福被邦家慶霑軍庶得道之後與天帝合真

北方九天帝君

伏聞洞陰變化北極居尊渺渺大羅統諸天而廣大澄澄妙性播羣品以生成道冠三清智周萬物

今皇帝名高萬古德被四夷長垂匡救之功以協昇平之運謹依科式齋香花燈燭供養之具歸命

北方九天帝君辰星水德玄武七宿中外諸星官以是功德願降北方九天玄陰蒼玄宮

五氣飛煙來輔

皇帝身於冬季三月之中壬癸亥子丑位有本命行年元辰衝破赤星暗曜地網天羅一切災衰咸蒙釋散乞至京迴鑒金闕垂恩七寶林中益椿松之壽算五明宮內降鸞鳳之

積祥萬化成安闕宮同慶得道之後與天帝合真

東方九地

伏聞大塊分形方輿構極四海之波瀾浩漫未測其深八紘之境界渺茫難窮其大

今皇帝謹依科式齋香花燈燭供養之具歸命

東方九土皇君東嶽山川丘陵原阜江海谿谷一切衆靈懺謝建國已來至于今日或與居動土掘鑿不時開拓山河廣崇基址驚喧厚地觸犯皇君切慮疊積坤維災生分野祇殫未息疾病互興今以一心迴向大道歸依上帝委命真皇建三皇寶齋演洞神儀式乞使風調雨順海晏河清陰陽和而萬化安道德興而太階靜

皇帝淳和備體金石齊年六腑常調百關咸暢闔宮眷屬常保利貞內外士民長居善慶得道之後與皇君合真

南方九地

伏聞重離設象九地居南流火庭深天池浪

開蕭丘紫府長生之籍可求絳闕朱陵積善之名斯在

今皇帝謹依科式齋香花燈燭供養之具歸命

南方九土皇君南嶽山川丘陵原阜江海谿谷一切靈官懺謝建國已來至于今日或與居動土掘鑿不時開拓山河廣崇基址驚喧厚地觸犯皇君切慮疊積坤維災生分野祇殫未息疾病互興今以一心迴向大道歸依上帝委命真皇建三皇寶齋演洞神儀式乞使陰陽調理疆境晏安麟鳳呈祥龜龍協瑞皇帝德符山嶽慶雲廣覆於九垓化洽寰區和氣徧資於萬物闔宮眷屬咸保利貞內外軍民同霑善慶得道之後與皇君合真

西方九地

伏聞坤元資始厚載權輿高下分形東西列位振秋風而肅物運陰德以成功鳳嶺流祥龜山演化

今皇帝謹依科式齋香花燈燭供養之具歸命

西方九土皇君西嶽山川丘陵原阜江海谿谷一切靈官懺謝建國已來至于今日或與居動土掘鑿不時開拓山河廣崇基址驚喧厚地觸犯皇君切慮疊積神維災生分野祿殍未息疾病互興今以一心迴向大道歸依上帝委命眞皇建立寶齋備依儀式伏願大慈廣濟景福遐臨布萬里之祥煙發九重之瑞氣風調雨順歲稔時和
皇帝慶祚延長神明保護浩浩而滄溟比祿我哉而嵩華齊年皇子王孫天長地久得道之後與皇君合眞

北方九地

伏聞北方水澤下極風輪一陽生而萬物知春四氣布而羣陰復位地數終於四九國界列於三十三山聳羅艷境闢崐閼

今皇帝謹依科式齋香花燈燭供養之具歸命

北方九土皇君北嶽山川丘陵原阜江海谿谷一切靈官懺謝建國已來至于今日與居動土掘鑿不時開拓山河廣崇基址驚喧厚

地觸犯皇君切慮疊積神維災生分野祿殍未息疾病互興今以一心迴向大道歸依上帝委命眞皇建立寶齋備依儀式乞使四時應序萬物生全風雲長契於禎祥水旱不爲其災沴

皇帝德符天地道契義黃福庭下際於八紘壽域上參於七政家國隆盛遐邇晏安內外士民同需善慶得道之後與皇君合眞

北謝太一

伏聞三元祖氣太一尊神剖清濁以立二儀運陰陽而生萬物普迴靈鑒廣布玄功

今皇帝謹依科式齋香花燈燭供養之具備建洞神三皇七十二君寶齋歸命

太一元君九皇玉帝無極境界已得道大聖衆一切神明普懺前世今生六情三業故誤

之罪威乞蕩除東華增無盡之年南極注長生之籍功高萬古位列諸天降眞氣於身宮

保太和於性府山河並固金石同堅境域晏安家邦慶泰得道之後長享自然

洞神三皇七十二君齋方懺儀